

Broj: 01-05-6-05524/2017
Sarajevo, 30.10.2017. godine

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), u skladu sa odlukom Vlade F BiH V. broj 1163/2017 od 31.08.2017. godine, a nakon razmatranja Preporuke Komisije za javne nabavke broj: 01-05-6-05524/2017 od 27.10.2017. godine, Direktor Federalne uprave za inspeksijske poslove u ime ugovornog organa, donosi

ODLUKU
o dodjeli ugovora o nabavci roba-2 (dva) putnička motorna vozila za potrebe
Federalne uprave za inspeksijske poslove

I

Prihvata se Preporuka Komisije za javne nabavke uprave broj 01-05-6-05524/2017 od 27.10.2017. godine, te se Ugovor o nabavci roba-2 (dva) putnička motorna vozila, po provedenom postupku konkurentskog zahtjeva za dostavu ponuda, dodjeljuje ponuđaču „Porsche“ d.o.o. Sarajevo.

Ugovor sa ponuđačem „Porsche“ d.o.o. Sarajevo, zaključit će se pod slijedećim uslovima:

- Marka i tip vozila: Škoda „Fabia“ Active 1.0 MPI, snage motora 55 kW, odnosno 75 KS, zapremina motora 999 ccm³, 2017. godina proizvodnje, pogonsko gorivo: benzin, Euro norma: EU6, boja karoserije: Candy bijela i ostalim karakteristikama iz ponude broj 44731_034182 od 25.10.2017. godine
- Cijena vozila bez PDV-a iznosi: jedinična cijena je 16.965,81 KM, odnosno za dva vozila 33.931,62 KM
- Ukupno PDV: 5.768,38 KM
- Ukupna cijena za dva vozila sa uračunatim PDV-om: 39.700,00 KM
- Rok isporuke vozila ugovornom organu: 25.12.2017. godine
- Rok i način plaćanja: plaćanje će ugovorni organ izvršiti najkasnije u roku od 30 (trideset) dana od dana prijema fakture
- Izabrani ponuđač će za svako od vozila isporučiti i dodatni set zimskih guma.

II

Po isteku žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

Obrazloženje

Direktor Federalne uprave za inspeksijske poslove je svojom odlukom broj 01-05-6-05524/2017 od 19.09.2017. godine pokrenuo postupak javne nabavke roba - 2 (dva) putnička motorna vozila, za što je saglasnost dala Vlada F BiH svojom odlukom V. broj 1163/2017 od 31.08.2017. godine. Istom odlukom Vlade F BiH su propisane karakteristike vozila čija je nabavka odobrena, i to: vozila niže srednje klase, maksimalne zapremine motora 1200 ccm³, minimalne snage 55kW, s tim da maloprodajna cijena jednog vozila može iznositi maksimalno 20.000,00 KM.

U skladu sa navedenim parametrima, komisija je izvršila pripremu tenderske dokumentacije, te je na Portalu javnih nabavki dana 12.10.2017. godine objavljeno obavještenje broj 1292-7-1-14-3-11/17. Također, u skladu sa odredbom

člana 88. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), istovremeno sa objavljivanjem na Portalu javnih nabavki zahtjev za dostavljanje ponude je upućen na adrese 3 (tri) ponuđača, i to „TRIAB“ d.o.o. Sarajevo, „Porsche“ d.o.o. Sarajevo i „AC Quattro“ d.o.o. Sarajevo.

Dana 27.10.2017. godine, sa početkom u 12,15 sati je komisija za javne nabavke je izvršila javno otvaranje blagovremeno pristiglih ponuda, te je tom prilikom u zapisniku sa otvaranja ponuda konstatovano da je ponudu dostavio jedan ponuđač, i to „Porsche“ d.o.o. Sarajevo, sa ukupnom cijenom ponude u iznosu od 33.931,62 KM bez PDV-a, odnosno 39.700,00 KM sa uračunatim PDV-om.

Na zatvorenom sastanku održanom dana 27.10.2017. godine, Komisija je izvršila evaluaciju ponude, te je tom prilikom konstatovala da je ponuđač dostavio traženu dokumentaciju kojom potvrđuje da ispunjava sve uvjete utvrđene tenderskom dokumentacijom i da ne postoje razlozi za odbacivanje iste. Također je konstatovano da je ponuđač ponudio vozila Škoda „Fabia“ Active 1.0 MPI koja svojim karakteristikama odgovaraju parametrima postavljenim u tenderskoj dokumentaciji, te da je ponuda prihvatljiva i sa aspekta cijene ponuđenih vozila i da je cijena vozila u skladu sa planiranim i od strane Vlade F BiH odobrenim sredstvima za realizaciju predmetne nabavke.

Također, komisija je konstatovala da je ponuđač ponudio za oba vozila i dodatni set zimskih guma, što je dodatni argument u prilog ocjeni da je ponuda prihvatljiva.

Obzirom da je članom 89. stav (3) Zakona o javnim nabavkama BiH propisano da će u postupku konkurentskog zahtjeva za dostavu ponuda u situaciji kada ugovorni organ primi jednu prihvatljivu ponudu dodjeliti ugovor tom ponuđaču, a da nisu nađeni razlozi za odbacivanje ponude iz bilo kojeg zakonskog niti suštinskog razloga, komisija je dala preporuku direktoru uprave da u ime ugovornog organa donese odluku kojom će ugovor o nabavci dva putnička motorna vozila za potrebe Federalne uprave za inspeksijske poslove dodijeliti ponuđaču „Porsche“ d.o.o. Sarajevo.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR
Anis Ajdinović

Dostaviti:

1. „Porsche“ d.o.o. Sarajevo, Bulevar Meše Selimovića broj 16, 71000 Sarajevo
2. Sektor za materijalno-finansijske i tehničke poslove
3. Sektor za tehničku podršku i plansko-analitičke poslove
4. Komisija za javne nabavke (a/a).

